

# Comité-Schnitzelbank 1933



## d' bettschooner

Dass d'Oxnerkibel z'gross und d'Wagelechli z'glai,  
Das koschtet unsere Staat jetz sächzigdausig Stai:  
Er muess die Kibel ändere lo —  
Drum sin mir hitt do ane ko,  
Um z'zaige, was fir Oxegrind  
Mängmol Beamti sind!

Es wunderet aim, wieso me vom Museum schimpft  
Und iber sälle Staibaukaschte d' Nase rimpft:  
Sinn die Millione-n-au e Froon —  
Das, Bebbi, isch doch nur dr Lohn:  
Was losch e dublig Schwobeschof  
An Wirttebärgerhof!

Mit Yo-Yo spilt hit 's Kind, dr Dubel, dr grossi Rot.  
Mit Yo-Yo spilt dr eltscht, dr glabbrigischt Gnoche no,  
Aber jede Yo-Yo-Kenner [wenn's goht!  
Sait bim Aablig vom Herr Brenner:  
Was? Dr Brenner, dä will goh?  
Do git's nur ains: Jo-Jo!

D'Riviera, die het 's letscht Jahr hooche Bsuech biko:  
D'Polypemuusig Basel het sich dert verdoo!  
Will d'Abfahrtszytt vergoht im Flug,  
Verbasst in Nizza ain dr Zug —  
Worum? Was rymt als Antwort druff:  
He — Muff, Buff, Druff und Suff!

[glacht,  
Zem erschten Augscht het Basel dailwys gfluecht, dails  
Will d'Hitlere in unserer Stadt Regglame macht!  
D' Polypemulle, dä Kadett,  
Dä het dr Trick nit gmerggt, y wett:  
Dr Adolf het e Draimli „g'hett“  
Und — d'Millere het, si het!

Die Egliseelerainigung het Folge gha:  
Grad zäntnerwys nimmt's Fundbiro Vergässes a!  
Ai Bhauptig isch zwor kuum vermässe,  
's het mänge sehr lang nit vergässe,  
Was är dert „gfunde“ het, nur — jo:  
's wär nyt fir's Fuundbiro!

Hesch Du als Arbeitslose zwanzig Stägge gfunde,  
So nimm si schleinigscht mit, wenn D' muesch goh  
(pardon) pfunde:  
Denn griegsch kai Loch — nai: 's Loch griegt 's Gäld  
Und furt isch's und isch ab dr Wält —  
Nit underschlage-n-isch's, nit gstuucht —  
's isch nur — notdirftig bruucht!

Dass d' Carmen Studer dausig Stai bikunnt pro Mol,  
Wenn sie nur dirigiert dä „Dame Kobold“-Kohl —  
Das finde mir sehr intressant,  
Denn Eich — wie uns — isch wohlbikannt:  
's git „Kobold-Dame“ vylerlai —  
Die griege nur fimf Stai!

---

Kemmet alli am nägschde Sunntig z'Obe am siebeni  
in Musigsaal zum grosse Schlussobe vo de Comité-  
Schnitzelbängg. 's isch immer sauglunge.

---